

Caha di tradicion cultural fiesta di San Juan a cende e candela di celebracion



maestronan y e Cabesante di scol a ricibi e Caha cu hopi entusiasmo y a gradici DCA pa e gesto asina bunita y valioso aki, expresando den nan palabra di gradicimento cu nan lo sa di haci uzo di tur esaki pa celebra e tradicional Fiesta di San Juan manera

mester ta.

Pa termina cu e programa di bishita na scol diferente maestro y alumno a duna un demostracion di e baile di Dera Gay.

Departamento di Cultura ta gradici tur scol, cada cabesante, tur maestro y,

naturalmente, tur e alumnonan pa e bunita ricibimento y nan interes pa nos folklore, loke a keda demostra den cada presentacion. Ban sigui mantene, promove y engrandece nos folklore, nos tradicionnan, nos cultura.

ORANJESTAD (AAN): Departamento di Cultura Aruba a inicia na un forma hopi positivo y creativo e proyecto escolar *Fiesta di San Juan*. Den un actividad dirigi na tur scol preparatorio y basico ta bay haci entrega di e Caha di Tradicion Cultural Fiesta di San Juan. E Caha aki ta contene tur material recreativo, educativo y pedagogico y informacion general tocante Fiesta di San Juan. Cu adkision di e Caha cada scol tin acceso na tur e material necesario pa por cuminsa prepara pa celebra un di nos tradicionnan folklórico manera mester ta. Manera henter nos pueblo sa celebracion di Fiesta di San Juan ta dia 24 di juni, tambe conoci como Fiesta di Dera Gay.

E prome siman di e programa escolar Fiesta di San Juan (Dera Gay 2013) tabata masha exitoso y ta premira un otro siman yen di sensacion, ora e portanan di scol habri atrobe pa ricibi e regalo valioso y importante, esta e Caha di Tradicion Cultural Fiesta di San Juan cu ta ser presenta na un forma masha creativo, diferente y participativo.

Durante bishita na scol por sinti e amor di cada mucha pa nos folklore, e alegria refleha den nan cara, nan atencion ora ta trata di tradicion. Tambe por contempla nan atencion, nan concentracion, nan sonrisa y nan alegria, ora cu nan scucha y siña conoce mas di e Fiesta di San Juan, e motibo di e celebracion, e weganan rond di dje, y te hasta cu ta conta cu nan participacion, cu nan por balia y siña con pa mata

e gay.

Departamento di Cultura a organisa e proyecto aki cu cooperacion di Ministerio di Cultura. A presenta un programa completamente diferente na esunnan di e añanan anterior. E aña aki *Comision di Dera Gay*, cu ta consisti di empleado tanto di Seccion di Implementacion como di Seccion di Investigacion di DCA, a uni forza pa por bishita cada scol pa entrega e Caha cu tur material, pa laga cada mucha sinti e dushi y e calor di e temporada di celebracion y pa motiva nan pa nan sigui celebra y conserva nos tradicionnan.

E meta primordial ta pa sigui promove e actividad cultural aki na tur scol y haci posibel pa nan por tin tur e material necesario disponibel, pa nan por keda bon informa y bon prepara, habriendo caminda pa nan por conoce, siña, promove, carga, sostene y sigui celebra nos tradicionnan folklórico manera mester ta.

Ya caba a cuminsa cu e prome siman den cual a parti e material y esaki a bay na un forma masha pedagogico y creativo. E scolnan a ricibi e delegacion cu hopi entusiasmo, den un ambiente masha positivo y ameno. E muchanan a disfruta un mundo di cada presentacion y splicacion di e elementonan cu ta conforma e material cu e Caha ta contene, como tambe di e weganan cu a keda presenta cu diferente ehempel y demostracion.

Despues di presentacion di e contenido di e Caha, tanto e alumnonan como e